

Nakatani 1
Kinaliqaa nukaqhiuyuq
18-nik ukiunik ukuniga
ihumaqhutiqagtut.



Nakatani 2
Tamaita nutaqaat pihimayait ukua ihumaqhutit,
kinaukmagaa, humi nunaqaqmagaa, qanuriliuqata
agayuqaagit, kitumik uqauhiqaqmagaa, ukpikniginik,
agutaukpat aqnaukpaluniit, qanuq ilitquhiqaqat,
timimigut ayuqhautiqaqat, maniquqtukpata
iligakpataluniit. Kinaliqaa nutaraq ihuitumik
piyariqaqgituq qanuritkualuqtilugu.



Nakatani 3
Tamaita iniqnirit
piyariqaqgituq ihuaqnikhanik
iliknut. Iniqniuyut
ihumaliuraagamik,
ihumayukhaugaluut
qanuq ihumaliurutaat
aktuqniqaqmagaa
nutaqanik.

Nakatani 4
Kavamat havaaqaqtut
ihumaqhutitit
munariyauyaagani.
Ikayuriaqaqtaait ilagiyatit
munariyaagani
ihumaqhutitit hatqitlugulu
inuvikhaqnik agikliyaaqni
piyaamilu ayugijutigiyakhat
inuhiqni.



Nakatani 5
Ilagiyatit havaaqaqtut
ikayuriaqni atuqniqinik
ihumaqhutigiyaqatit,
ihumaqhutitilu
munariyauyaagani.

Nakatani 6
Ihumaqhutiqagtutit inuuyaaqni.

Nakatani 7
Ihumaqhutiqagtutit
atiqariaqni, unalu
ilitariyauyariaqaqtut
kavamanit.
Ihumaqhutiqagtutit
nunaqariaqni
(nunaqyuamiutauyaaqni).

Nakatani 8
Ihumaqhutiqagtutit
kinauniriyaqnik –
ilitariyauhimagumik
naunaipkutimik
kinauniriyaqnik. Kiyaliqaa
aqhalimagitaatit umiga.



Nakatani 9
Ihumaqhutiqagtutit inuqatigi-
yaagani agayuqaatit, kihiani
nakuginiqat ilikni. Ihumaqhutit-
qaqtutit inuqatigiyaagani ilagiini
munariyumayunik iliknik.

Nakatani 10
Inuguvit aalami
nunaqyuami ilagiyaaqni,
ihumaqhutiqagtutit
atautimiyaaqnikni
nunaqiyauyumi.

Nakatani 12
Ihumaqhutiqagtutit
uqariaqni ihumagiyaqnik,
iniqniuyulu naalagiagani
ihumagitiaqglugilu
uqauhiriyatit.



Nakatani 13
Ihumaqhutiqagtutit
naluhuriaqni hunanikliqaa
uqauhirilugulu
ihumagiyaqni aalanut,
uqaqlutin, titirauyaqlutit,
titiraqlutit ahianikluniit
kihiani aniqnigutaukpat
ihuigiyaupaluniit aalanit
inuknit.

AGIQATIRIIGUT IHUMAQHUTANIK NUTAQAQ

nutaqaq kagiqhilaqtainik uqauhiqmi

Atuni nutaraq Kanatami hilaqyuamilu inulihanit 18-nut ukiuqaqtuni
ihumaqhutit. Ihumaqhutit pihimayakhatit pigiarutikhatiluniit inuuyaaqni,
aularigaaqni piyaaganilu ayugijutikhat. Tamaita ihumaqhutit ajikiinik
atuqniqaqtut ilagikhutiklu avanmut. Inuhimayutit pihimavlugit ukua
ihumaqhutit, kiyaliqaalu aqhalimagitait.

Nakatani 11
Ihumaqhutiqagtutit munariyauyaaqni aqhaqtaugitaaqni aalamit.



Nakatani 14
Ihumaqhutiqagtutit
tikuaqhiyaaqni
nanmini agajutigiyatit
ukpiriyatilu. Agayuqavit
ikayuqtakhagaluagatit
ihumaliuriaqni ihuaqnik
inuituniku, hunali
ihuaqnikhauniganik ilikni.

Nakatani 15
Ihumaqhutiqagtutit
tikuaqhiyaaqni nanminik
ilanariyaqnik ilauliqlutulu
ilariliqtitlutit anirutauginiqat
aalanut.



Nakatani 16
Ihumaqhutiqagtutit angiyagiyaqnik.

Nakatani 17
Ihumaqhutiqagtutit piyaaqni hivunihijutikhanik atuqniqaqtunik
inutiqaqnikhaqni, nalautinit, tuhaqtijutinit, makpiraanit,
qaritaayanit ahiinilu ihuaqtuninik. Iniqnirit pivakqtukhaugaluut
hivunihijutit piyatit anirutaugitaagani, ikayuqlutulu
nanihiyaaqni tukihialugulu hivunihijutit ihariagiyaqni.



Nakatani 18
Ihumaqhutiqagtutit
pamiktauyaaqni
agayuqaqnit ayuqnaipat.

Nakatani 19
Ihumaqhutiqagtutit munari-
yauyaaqni anirutauyunit
pitarutaugitunilu,
timigiyaqni ihumakniluniit.

Nakatani 21
Ihumaqhutiqagtutit
munariyauyaaqni
amiriyautilulu
tiguqaqtauhimaguvit
munariyauguviluniit
aalanit
munaqtinit.



Nakatani 22
Ihumaqhutiqagtutit
munariyautilariaqni
ikayuqtautilulu
ahinigaqhimaguvit
(aulaqyauhimaniruvit
agilrariyaqnit inuuyaaqni
aahiani nunaqyuami),
tamaitalu ihumaqhutit uvani
Agiqatiriigunmi.

Nakatani 23
Ihumaqhutiqagtutit
ilihatariaqni
munariyauyaaqnilu
ayuqhautiqaruvit timikni,
tamaitalu ihumaqhutit uvani
Agiqatiriigunmi, inutiariaqni
inukharutinit.

Nakatani 20
Ihumaqhutiqagtutit munariyautilariaqni ikayuqtautilulu
inuqatigalimagitkuvit agayuqaqnik.

Nakatani 24
Ihumaqhutiqagtutit
aturiaqni nakuunihikanik
aniaqtut munaqtaujuhiinik
ayuqnaipat, halumayumik
aniqnaikumik inuhiqmik,
hivunihijutikhaniklu
ikayutaayunik aniagilutit
inuuyaaqni.

Nakatani 25
Inuguvit munariyautilutit
ahiiniluniit qanuriginini
ahianit agilrariyaqit,
ihumaqhutiqagtutit
ukua inujuhiqit
naunaiyaqtauvagiagani
qaguguraikpat naunairiagani
ihuaqniqhaukmagaa.

Nakatani 26
Ihumaqhutiqagtutit
ikayuqtauyaaqni kavamanit
iligaguvit ihariahukuviluniit.

Nakatani 27
Ihumaqhutiqagtutit
niqikhaqnik,
aanuraakhaqnik,
aniqnaikumik inuvikhaqnik
ihariagiyaqni pivagiagani.
Ayuqhaqtauyariaqagutit
pigipagiyaqni amigaitunik
hunanikliqaa aalat nutaqaat
pivagainik.

Nakatani 28
Ihumaqhutiqagtutit
piyaaqni nakuyumik
ihuaqniklu ilihaiqniqmik.
Akhuaqtauyukhauyutit
ilihariaqpagiaqni
ayuqhaqtauyariaqagutit
pivagiagani.



Nakatani 29
Ilitatit ikayutauyuqhaugaluut
aturiaqni pivaiyaaganilu
ayuuniriyatit ayugijutigiyatilu.
Ikayutauyukhaugaluut
inuvagiyaqni
ihumaluknaitumik,
munarilugu avatauyuq
ihumagitiaqglugulu aalat inuit.

Nakatani 30
Ihumaqhutiqagtutit
uktuqpagiagani nanmini
ilitquhiriyat, uqauhiriyat
agajutigiyatilu. Ikiniaqat
nunaqaqtautulu ilariit
munariyautilaqtayariaqag-
tut umiga ihumaqhunmik.

Nakatani 31
Ihumaqhutiqagtutit ulpaqiva-
giaqni unaguiqhiqpagiaqnilu.

Nakatani 32
Ihumaqhutiqagtutit
munariyauyaaqni havaanit
anirutigilaaqtaqnit,
nakugitumilu aniaqtaailijutikni
ilihautiknilu. Havakuvit,
ihumaqhutiqagtutit
anigitaqni akiliqtauvaklululu
ihuaqtumik.



Nakatani 34
Ihumaqhutiqagtutit
atugitaaqni nuliaqnikut
pitarutaugitunit.

Nakatani 35
Kiyaliqaa tigulimagitaatit
niurvtigilutulu.

Nakatani 36
Ihumaqhutiqagtutit munariya-
yaaqni qanurituniliqaa atunig-
luktalutit (niamgiyaarutalutit).

Nakatani 33
Ihumaqhutiqagtutit
munariyauyaaqni
anirutaulaqtunit huplurutinit
naiviganit.

Nakatani 37
Kiyaliqaa taniqtulimagitaatit
naqlikhaaqtilutit aniruta-
laqtumiluniit pijutimit.

Nakatani 38
Ihumaqhutiqagtutit munariyauyaaqni atuqitaaqnilu aguyaktunit.
Nutaqaat nukaqhiuyut 15-nik ukiunik akhuqhaqtaulimagitut
aguyaqni ilauliriagani aguyaqtauluniluniit.


Nakatani 39
Ihumaqhutiqagtutit
ikayuqtauyaaqni
aniqhimaniruvit,
munariyaugitkuvit
pitaqtauginiruviluniit.

Nakatani 40
Ihumaqhutiqagtutit
maligaliqiyinit
ikayuqtauyaaqni
pitaqtaulutulu
apiqhuyuliyiyinit
ihumagiyaqatunimik
ihumaqhutigiyaqnik.



Nakatani 41
Maligat nunaqiyaaqni
munarijutautilaqtata
ihumaqhutigiyaqnik
nakatauyut uvani
Agiqatiriigunmi
atuqluariaqatut
taimainiqat.

Nakatani 42
Ihumaqhutiqagtutit
qauyimayaaqni
ihumaqhutigiyaqnik!
Iniqnirit qauyimayukhaugaluut
ukuniga
ihumaqhutitini
ilihautilutulu
ukuniga.



**Nakatani 43-mit
54-mit**
Ukua nakatauyut
uqatigat qanuq kavamat
hilaqyuamilu timiuyut
ajikutait UNICEF-kut
havakniaqt nutaqaat
munariyaavagiagani
ihumaqhutaini.

